



Број/Број: 01/4-50-1-4-57/09

Сарајево/Sarajevo, 19.11.2009. godine

Z A P I S N I K

57. sjednice Komisije za finansije i budžet Predstavničkog doma Parlamentarne skupštine BiH održane 17.11.2009., od 10 do 11 sati

Sjednici Komisije prisustvovali su članovi: Sadik Bahtić, Velimir Jukić, Lazar Prodanović, Bajazit Jašarević i Salko Sokolović.

Sjednici nisu prisustvovali: Adem Huskić, Savo Erić, Zlatko Lagumdžija i Drago Kalabić.

Sjednici su također prisustvovali: Dževad Nekić, zamjenik generalnog revizora iz Ureda za reviziju institucija BiH, Ćnita Fočo, direktorica Agencije za javne nabavke BiH, Ivana Smiljanić, asistent za finansije i budžet pri projektu USAID PSP u BiH, Ineska Huremović, sekretar Kluba poslanika Jerka Ivankovića Lijanovića i Sefera Halilovića, Zoran Brkić, viši stručni saradnik iz Sektora za odnose s javnošću PSBiH, te Željko Kosmajac, sekretar, i Muhameda Humačkić, stručna saradnica pri Komisiji.

Za sjednicu je predložen sljedeći

DNEVNI RED

1. Usvajanje zapisnika 53., 54. i 55. sjednice Komisije;
2. Razmatranje Prijedloga zakona o izmjenama i dopunama Zakona o javnim nabavkama BiH - druga komisijska faza (predlagač: poslanik Bajazit Jašarević);
3. Ponovno razmatranje Prijedloga zakona o dopuni Zakona o porezu na dodatu vrijednost - prva komisijska faza (predlagač: Klub poslanika SNSD-a);
4. Razmatranje Prijedloga zakona o izmjenama Zakona o akcizama u BiH – prva komisijska faza (predlagač: poslanik Jerko Ivanković Lijanović);
5. Razmatranje Devetomjesečnog finansijskog izvještaja Ureda za reviziju na dan 30.9.2009. (sačinilac: Ured za reviziju institucija BiH);
6. Tekuća pitanja.

Predloženi dnevni red jednoglasno je usvojen.

Ad.1. Usvajanje zapisnika 53., 54. i 55. sjednice Komisije

Komisija je jednoglasno, bez primjedbi, usvojila zapisnike 53., 54. i 55. sjednice.

Ad.2. Razmatranje Prijedloga zakona o izmjenama i dopunama Zakona o javnim nabavkama BiH - druga komisijska faza (predlagač: poslanik Bajazit Jašarević)

Predsjedavajući Komisije konstatirao je da se Prijedlog zakona razmatra u drugoj komisijskoj fazi, te da su četiri amandmana blagovremeno podnijeli poslanik Denis Bećirović-jedan amandman i poslanik Salko Sokolović- tri amandmana, a zatim otvorio raspravu o Prijedlogu zakona i podnesenim amandmanima.

U raspravi su učestvovali: Bajazit Jašarević (kao predlagač), Lazar Prodanović i Velimir Jukić, te Ćinita Fočo, direktorica Agencije za javne nabavke BiH.

Nakon provedene rasprave, Komisija je jednoglasno usvojila sljedeće amandmane poslanika Salka Sokolovića:

Amandman I.

U članu 3. Prijedloga zakona o izmjenama i dopunama Zakona o javnim nabavkama BiH, koji se odnosi na član 5. Zakona, (Izuzeće od primjene odredbi ovog zakona), u stavu (1) tačka g) i stavu (2), broj "4" zamjenjuje se brojem "3".

Amandman II.

U članu 10. Prijedloga zakona o izmjenama i dopunama Zakona o javnim nabavkama BiH, koji se odnosi na član 46. Zakona, (Konkurentski zahtjev za dostavljanje ponuda), u stavu (3) riječi: "u "Službenom glasniku BiH"" zamjenjuju se riječima: "na veb-stranici Agencije".

Amandman III.

U članu 11. Prijedloga zakona o izmjenama i dopunama Zakona o javnim nabavkama BiH, koji se odnosi na član 46a. Zakona, (Dodjela ugovora u postupku konkurentskog zahtjeva), u stavu (4) riječi: "u "Službenom glasniku BiH"" zamjenjuju se riječima: "na veb-stranici Agencije".

Komisija je jednoglasno odbacila Amandman I. poslanika Denisa Bećirovića na član 7. Prijedloga zakona.

Potom je Komisija, s četiri glasa "za" i jednim "suzdržanim" glasom, prihvatila Prijedlog zakona o izmjenama i dopunama Zakona o javnim nabavkama BiH s prihvaćenim amandmanima, te Predstavničkom domu Parlamentarne skupštine BiH predložila njegovo usvajanje.

Ad.3. Ponovno razmatranje Prijedloga zakona o dopuni Zakona o porezu na dodatu vrijednost - prva komisijska faza (predlagač: Klub poslanika SNSD-a)

Predsjedavajući Komisije konstatirao je da Predstavnički dom, na 63. sjednici, održanoj 4.11.2009., po drugi put nije prihvatio negativno mišljenje Komisije o principima Prijedloga zakona, te ga je vratio ovoj komisiji na ponovno razmatranje i dostavljanje novog mišljenja Domu. Zatim je otvorio raspravu o principima Prijedloga zakona i neophodnosti njegovog donošenja.

U raspravi su učestvovali članovi Komisije Sadik Bahtić i Lazar Prodanović.

Komisija je na ovoj sjednici po treći put razmatrala Prijedlog zakona u prvoj komisijskoj fazi, te nakon kraće rasprave, s jednim glasom „za“ i četiri glasa „protiv“, ponovo nije prihvatila principe Prijedloga zakona, predlažući Domu da ih ne usvoji iz sljedećih razloga:

Prijedlog zakona kojim je predloženo oslobađanje određenih dobara od plaćanja PDV-a nije kompatibilan s poreskim oslobađanjima predviđenim direktivom EU, broj 2006/112/EC- „Council Direktive 2006/112/EC on the Common System of Value Added Tax, OJ L 347, 11.12.2006.“, u smislu da je za određena dobra navedena u Prijedlogu zakona direktivom EU predviđena mogućnost uvođenja snižene stope, dok druga navedena dobra podliježu oporezivanju po općoj stopi.

Zbog nedostatka finansijske discipline u BiH, nulta stopa PDV-a za predložene proizvode ne bi dovela do krajnjeg cilja, tj. smanjenja cijena tih proizvoda prema krajnjem potrošaču, već do prelivanja dobiti u korist prodavača.

Ad.4. Razmatranje Prijedloga zakona o izmjenama Zakona o akcizama u BiH – prva komisijska faza (predlagač: poslanik Jerko Ivanković Lijanović)

Predsjedavajući Komisije konstatirao je da predlagač Zakona nije prisutan, da je Upravni odbor Uprave za indirektno oporezivanje BiH, 5.11.2009., dostavio negativno mišljenje na Prijedlog zakona, te otvorio raspravu o principima Prijedloga zakona i neophodnosti njegovog donošenja.

U raspravi učestvovali su članovi Komisije: Velimir Jukić, Bajazit Jašarević i Sadik Bahtić. Nakon kraće rasprave, Komisija jednoglasno nije prihvatila principe Prijedloga zakona, predlažući Domu da ih ne usvoji iz sljedećih razloga:

Upravni odbor Uprave za indirektno oporezivanje BiH nije podržao Prijedlog zakona o izmjenama Zakona o akcizama u BiH, predlagača poslanika Jerka Ivankovića Lijanovića, kao ni način raspodjele prihoda koji je predložen u Prijedlogu zakona jer je u suprotnosti s načinom kako je to normirano sistemom indirektnog oporezivanja.

Ad.5. Razmatranje Devetomjesečnog finansijskog izvještaja Ureda za reviziju na dan 30.9.2009. godine (sačinilac: Ured za reviziju institucija BiH)

U uvodu tačke dnevnog reda, kratko obrazloženje Devetomjesečnog finansijskog izvještaja Ureda za reviziju institucija BiH na dan 30.9.2009., dao je Dževad Nekić, zamjenik generalnog revizora.

Predsjedavajući Komisije otvorio je raspravu o ovoj tački dnevnog reda u kojoj je sugestiju na naziv jedne stavke finansijskog pregleda, preciznije stavke „Naknade troškova zaposlenih i skupštinskih zastupnika“ dao Lazar Prodanović.

Potom je predsjedavajući konstatirao da je Komisija primila k znanju Devetomjesečni finansijski izvještaj Ureda za reviziju institucija BiH na dan 30.9.2009.

Ad.6. Tekuća pitanja

-Radionica o temi: „Prijedlozi budžeta institucija odbrambenog i sigurnosnog sektora na nivou BiH za 2010. godinu“, Tuzla, 19. i 20.11.2009.

Sekretar Komisije usaglasio je s članovima Komisije stavove u vezi s učešćem na pomenutoj radionici, kojoj bi trebalo da prisustvuju:

- Sadik Bahtić
- Lazar Prodanović
- Velimir Jukić
- Bajazit Jašarević i sekretar Komisije Željko Kosmajac.

-Organiziranje posebne sjednice posvećene Ministarstvu odbrane BiH u vezi s realizacijom revizorskih preporuka za 2008. kao i preporuka iz prethodnih godina

Sekretar Komisije informirao je članove Komisije o planu i dosadašnjim aktivnostima sekretarijata Komisije na realizaciji zaključka o organiziranju posebne sjednice posvećene Ministarstvu odbrane BiH.

Sekretar Komisije
Željko Kosmajac

Predsjedavajući Komisije
mr. ecc.sc. Sadik Bahtić